

趙氏族譜

友山甫鈔 序文 凡例
卷壹詩冊 紀 世次 世系 綸音

复印費
267元

趙氏族譜六冊簡言跋前。

後裔輔仁。祖述禘昌。續修家譜。佑啟後人。乃譜修告竣。再親手鈔錄全部。以垂後世。以遺子孫。從此子子孫孫。如能隨時展開披讀。則我祖宗之功勳。恍若目覩。人子之孝弟。自由心生矣。無論何人。閱讀已終。永宜什襲。如珍藏之。以體念後裔修鈔之苦衷。以保存先人遺留之芳徽也。方不負乎先人。亦不負乎後裔耳。為子孫者。宜當知之。特將配作詩書易禮春秋六卷。以類孔子修正六經大意。是故卷壹詩冊。紀錄序文。凡例。世次。世系。綸音。卷貳書冊。紀錄肝誌上。卷參易冊。紀錄肝誌下。卷肆禮冊。紀錄藝文上。卷伍春冊。紀錄藝文下。卷陸秋冊。紀錄存攷。附題名錄。詳細標明譜以便後世查攷云爾。

民國丁卯季夏長日。

三十二世孫。輔仁謹識。

民國庚申孟秋

裔孫趙輔仁
親手修鈔

趙氏族譜

後世子孫什襲如珍藏之
調鶴山房續修

趙氏族譜序

天以趙氏克世其德。保世滋大。綏定厥家。繼繼承承。俾爾熾昌。篤生偉人。克開厥後。實惟鐸公。屢葉參華。其量十世。克篤前列。厥惟長公。自長至端。顯宦又十數世。其顯之顯者。時則有若運司。廷重公。刺史仰山公。又閱數世。而太守秀峯公出焉。為國朝太和開府第一人。猗歟盛哉。盛而弗傳。後人責也。三十世孫。歛之先生。作而起曰。惟天惟

祖宗。所以責望余者。庶其在此。爰披往牒。剔古碑。旁搜遠紹。廣詢博訪。成世譜一書。世次秩然。世系釐然。肝誌燦然。

綸音煥焉。藝文炳焉。存考備焉。斯為盛矣。斯足傳矣。吾因之有感矣。古茂族。如漢金張。晉王謝。唐之蕭。宋之呂。鼎盛蟬聯。與一朝運會相始終。迨易姓則泯泯無聞焉。而趙氏歷數朝貴盛。天之篤祐為已至矣。近代鉅家久者。七八世則為墟矣。次或四五世則為墟矣。甚者。或一二

世或不及世。秋雨斷蒂。孤蓬不飛。何可勝歎。又甚者。滄桑改變。泣零華屋。災及松楸。造物何若是之酷也。而趙氏先廬無恙。宏圭山麓氣佳哉。鬱鬱葱葱。豈非天哉。或謂悠悠蒼天。久不可問。凌替之家。豈盡不德。彼強橫烜赫。是遵何德哉。大抵氣數之天。不可爭。義理之天。必可恃。氣數窮而義理自見。義理在而氣數無權。千古惟此忠孝大節。撐持天壤。而天之報施。稱之。趙自鐸公。世為賓師。教忠於蒙。自壽公。世為輔相。効忠於段。異年尋。貽韋臯。書曰。世為唐臣。教忠之效也。長公封中順大夫。禮觀。

北關。効忠之效也。議者不察。擯南詔於荒外。併其君臣之忠節而沒之。不亦過乎。他如郡判同知。邑宰諸公。忠効一官。郡掾書記幕僚諸公。忠効一職。至運司刺史太守三公。政績懋昭。其有功德於民者。即其盡忠於上者也。以云忠。世篤忠矣。至孝如海公。其言曰。旦暮弄雛。親側以盡愛日之誠。功名外也。繼則士元公。髫齡至性。萬里扶柩。有古孝子風。其他孝行卓卓。具載銘狀。用是婦女亦修順德。諸孺人傳誌可。

徵也。童穉亦修庸德。諸子弟和愉可覩也。以云孝。世克孝矣。忠孝之英華。發為文章。蠻序濟濟焉。而殿選申之諸孝廉。耀東香山諸明經。後先輝映也。忠孝之積累。裕為富厚。室家漆漆焉。舉族無鉗聲。嗟。豫泰豐亨也。天之報施為何如歟。綜而計之。歷世三十餘世。歷年一千餘年。人數百人。事數百端。而譜之者。有典有則。無畧無遺。蓋其心力所到。與

祖宗之氣脈相通。與閭族之精神相貫。且直與

上天之眷顧相感。非我歛之。孰克當此。而無忝乎。辱承諄囑。爰序而贊之。

曰。續戎

祖考。天心攸屬。

世德作求。敬宗收族。族以屬之。宗以尊之。祖式憑之。子子孫孫。勿替引之。

惟天其右之。

省。

大清同治八年。歲次己巳。仲冬月上元日。

賜同進士出身。歷任湖南。淑浦。安福。巴陵。廣東。四會。新安。等縣知縣。滇西。

張相侯。蘄洲氏。頓首拜撰。

纂修家譜序。

惟戊辰七月朔丙子。積善邑趙氏。三十一世。大宗。慶溥。暨小宗。國富。珍品。學品。希賢。鴻品。恒豫。屬族人薦於宗祠。禧昌。拜手稽首曰。昔我先考歸自秦。率不肖謁于茲。載告曰。粵我城北族。著于唐。譜牒失于宋。明初建祠。是為七舍邑。嗣將圯。我用遷于茲新土。徵元故相副官墓碑。次累世昭穆於石。訖刺史公之世。為七支。庸易名曰積善邑。自時厥後。克篤前列。振振繩繩。其麗不億。誕敢紀其叙。啟佑我後人。比予羈于官。未遑厥志。爾小子念之哉。已予惟小子。不敢替命。惟弗克于德。

未字下
遠能字

肆未光。迪我遐逝宗。綏輯我遠邇族。以適追。

先訓。繼自今。我族實維繁。率用徂適于他。不常其邑。矧曰。其克審乃世。不其或稽。後將曷續。尚賴我諸宗。協于眾。衍緒于無窮。俾勿世迷。僉曰。俞。凡我族。共帥時。勗哉勿怠。越翼日。丁丑。詣祠。惟瑞昌。作冊。桓璧。宗品。雅品。芳品。布席於庭。景恬。景熙。景沂。福裕。維藩。維垣。載筆左右侍。

澤潯。種壁。登壇啟櫝。敬宣昭穆次。德昌。錫昌。祇承之。畀左右。書于冊。無敢不誠。越十日。丁亥。暨寶品。翰品。立品。莊品。朝步自邑。遂至蒼麓。省墓。則達觀于宏圭陽。歷勘諸表識。景仰。景濂。景溫。福綏。跪書。

褒誥于螭蚪側。旁求先正。

德言

徽言于墓左。厥八月。丙午。朏。越三日。戊申。辯詢諸族人。厥祖父諱。及乃子孫名。恒昌。以次續于前。俾無紊。其在劔。實寓我宗後。其在

騰。亦有我族支。阻于遠。今時尚未系厥圖。惟良壁。福峻。肆訪之。越在近族。若灣橋。若太和村。俾美富。科富。福遐。福久。往徵之。越在遠族。若永北。期納。紫塔。石頭村。俾景武。景文。崑壁。躬壁。往徵之。咸以其牒來。祐昌。福昌。分覈之。佐之。以時勝。亦越異姓同宗族。合其宗。以嚴其辨。削其姓。以冀其歸。庸紀於七支中。惟備其以他族。繼則弗屬。九月。迺郵書于雒馬。白岩。竹子園。青索鼻。俾各修其世次。于乃居後。別為系以附。嗟。凡若茲。實播于滇之西。胥為積善族。罔攸殊。十有一月。哉生。

明。冊將成。率族人告于宗祠。禧昌。拜手稽首曰。嗚呼念哉。予趙氏。源
于唐。沿于宋。演于元。滙于明。沛于今。沐
恩波于世世。休哉。

省。

大清同治七年。歲次戊辰。仲冬之月朔日。
三十世孫。禧昌。謹叙。

太和趙氏族譜序

石井劉氏為族譜。安化陶莫江氏善之曰。正家於不言之化。協於不謀之合。定於不爭之分。愛於其所親。敬於其所尊。頌而容之於德之成。風而聲之於德之致。休之以其所已能。董之以其所未及。不求所不得。不闕所未疑。不屬所不聯。不取所不與。蒙嘗三復其言。思憲以譜吾宗。未獲也。惟同年趙冠三氏獲之。且盡備劉氏之善。蒙尤善其譜出贅。不譜入贅。為足挽吾鄉敝俗云。夫贅壻非古也。不獨余鄉有之。而亦不自余鄉始。賈誼書時勢篇云。秦人有子。家富。子壯則出分家貧。子壯則出贅。蓋始於秦孝公之世。商君變法之所流毒也。夫禮義生於富足。而墮於貧乏。固也。若藉可以生者而墮之。可恥孰甚焉。利人之產。而忘己之所自出。迫於窮困。猶可說也。恃己有可以動人者。徇兒女子之私。陷人於不孝。遂至強神以歆非類。民以祀非族。黷宗甚矣。罪浮於出分。蓋有不召之入者。其誰甘輕以出。故欲靳其出。

必先靳其入。趙子譖出贅。閔其貧也。未絕之也。猶冀其來歸也。入贅
不譖。外之矣。知為所外。而共靳其入焉。彼雖有欲出者。亦苦莫由。則
此不言之化也。豈特正一家已乎。擴而充之。可正一國。
音。

光緒辛丑冬十二月。

昆明李坤謨。

續修家譜序

趙氏家譜自宋已失。後獲元故。相副官墓碑。顛末備具於上。然其文漫漶。不可讀矣。幸字尚未剝落。乃得以次勒諸石。立祠中。冀傳不朽。今墓碑蔽於榛莽。莫知所在。而此石巋然獨存。致世系者。因即是徵之。昔先大夫廷俊公。致仕家居。欲修未果。尋卒。而丙辰之變。作。四先君子禧昌公。恐其殘毀也。毅然以纂修為己任。維時。杜逆倣擾。眾皆危懼。四先君子。置不為慮。而惟汲汲於此者。誠念身家輕。祖宗重也。乃業未竟而遽終。而斯譜已修。而未盡修者。又三十載於茲。然屬稿未散。故此役續修。得藉以為資。遂彌旬而告竣。四先君子之功。顧可沒乎。嗟夫。家之有譜。猶國之有史也。而其修之之難。究無以異。何也。古者修史。事非其事。則不傳。人非其人。則不傳。即事與人可傳。而非蓄道德。能文章者。以傳之。則亦不傳。傳矣。而不即傳也。必閱數世而後傳。此趙氏家譜所以歷宋元明迄今而始成也。不者。我趙氏如鐸

些如壽如福如長諸公之忠誠如海如祿如祐如士元諸公之孝友卓卓可傳而且登科第則有瓚公端益公廷俊公邦柱公錫昌公若而人舉明經則有鷺公復際公質公琇公時崑公清品公若而人有聲庠序者更難覩縷斯其盛為何如哉而胡為遲之久而乃傳耶豈其事不克傳歟抑其人不足傳歟而皆非也時為之也否則能傳而不及傳者又年為之也時為之者如丙辰之變是也年為之者如四先君子是也嗚呼斯譜成而上可以繼前人下可以貽後嗣矣成之者諸父暨甲南也爰命南叙南不吝然何敢違謹述其緣起如此傳之永永云。

旨。

大清光緒二十五年歲次己亥季春之望。

三十二世孫甲南謹叙。

大理趙氏族譜序

天地之間。一氣而已。乃吾自無何有之鄉。而有此知覺。緬維太虛寥廓。肇基化元。一氣潛通。民物以分。咕咕吁吁。其同此無懷葛天之民乎。首圓趾方。其同此黃帝之苗裔乎。似也。顧何以孔子刪書。斷自唐虞。繫易。始於伏羲。明帝王世系。自此可徵也。作春秋。攘夷狄。示祖族攸分也。厥後倫常大備。命姓命族。悉數難終。此家族譜所由作也。吾邑友山趙子。身業儒林。晚年。與余氣相投。道相契。余值此時艱。每放曠於方之外。而趙子獨殷殷然。以倫常為首務。其睦宗族。建宗祠。查祭田。拾數餘畝。修古墳。八十餘穴。猶顯焉者也。一日出宗譜示余。余見之。不忍釋手。按宗譜之成。成於先君子。諱禧昌公。公博洽羣書。尤精於二氏學。所著梵音註釋。令人望洋之歎。余曷敢贊一辭。續修。則有冠三孝廉公。庶吉士李厚菴公。贊以譜出贅。不譜入贅。重人倫也。友山趙子。繼志述事。上迪前光。特於世系匠心獨運。按系字。以會意言。系。一絲也。以一絲衍宗緒。夥矣。趙子則於一絲之中。條分縷

晰。竟使列祖列宗。羣昭羣穆。莫不朗若日星。書所謂若網在綱。有條不紊。其在此與。然以一分之。則邵子所謂一生二。二生無窮是也。合之則仍一絲也。仍一派之源流也。觀止矣。吾因之有感矣。以一絲譜宗族。即以之譜國。譜天下可也。即以之譜天地。譜山川。譜民物。亦可也。蓋一絲相貫。譬如一氣相感也。一氣相感。自身而國。而天下。而天地。山川民物。何莫非始於一氣也。雖然。余知趙氏之始。始於南京。余之始。亦始於此。既知趙氏之始。又何以知南京之始。既知南京之始。更何以知元始之始。與無始之始。余之始。與趙氏之始。殆不止在庖羲唐虞時也。其始於黃帝之世乎。其始於無懷葛天時乎。余不得而知也。原夫一氣之始。當遊神於太虛乎。當窮之於無何有之鄉乎。余更不得而知也。不得而知。還以質之趙子可乎。而趙子亦不能以譜宗族者。譜之也。雖然。吾與趙子。當從事於無何有之鄉。無爾我。無今古。直相喻於一氣之始可也。譜云乎。序云乎。要不過一氣之相感也。是為序。

皆

大中華。民國。乙丑。冬至後五日。

同邑。楊

塢。步天氏。鞠躬拜撰。

續修家譜序

竊思家之有譜。猶國之有史也。蓋國不可無史。而家不可無譜。然古史春秋尚矣。孔子欲令人心之益進於敦厚。風俗之益進於善良。所以有春秋之作也。茲當國有史矣。忍教家無譜哉。稽考我趙氏。為滇西望族。原人心敦厚。風俗善良。且人物亦有名世。乃提議編輯譜牒。以為一家之政。烏容緩乎。幸譜唐修矣。惜失於宋。後元明代有達人。奈何皆未逮修之者。嗟乎。我先人之遺文。幾於淪落。記載幾於闕如。可不惕哉。幸先大父禧昌出焉。道光間茂才。性孝友。嗜詩書。適先曾大父廷俊太守公。解組歸家。藏書甚富。禧昌手不釋卷者三十餘年。藏書無不徧讀。而能強記。得博雅名。昔林文忠公駐節大理。見而深器之。迨杜逆倡亂。不為所用。設家塾課訓子姪。成名頗眾。著述亦多。事績載大理縣志文學部。竟不見用於世。常懷有志未遂之嘆。乃平生敦篤倫常。正當危難之中。遂不禁汲汲皇皇。任纂修家譜為急務者。誠以彰往哲。實以勸將來也。於是課訓之餘。查攷世次。聯貫